

摘藻堂四庫全書薈要

集部

欽定四庫全書薈要卷一萬五千五百八十三

集部

誠齋集卷六

宋 楊萬里 撰

詩

江湖集

過白沙渡得長句呈澹菴先生

收紅拾紫消幾許也費一春強半雨不辭長江萬波阻  
來聽先生夜深語尚憶向來侍樽俎微雪斜飛小梅吐

先生半酣染霜兔金章玉句空萬古今年寒食還相聚  
明年寒食知何處只道先生押班去不道門生折腰苦  
長句寄周舍人子充

省齋先生太高寒肯將好句博好官又告君王覓閒散  
要讀短檠三萬卷周家新畫瑞霧圖渠莫錯認何闕渠  
青原兩公復雙起山川出雲不在此自憐無地寄病身  
四海知己非無人老窮只是詩自悞春色撩人又成句

題峽江譚溫父詠齋

漁郎載我下峽水夜尋故人有譚子柴門竹屋斷崖底  
艮齋手題詠齋字巴丘花草一番新玉筍峯頭月半輪  
如今政是暮春者三歎春風舞雪下

淺夏獨行奉新縣圃

我來官下未多時梅已黃深李綠肥只怪南風吹紫雪  
不知屋角棟花飛

晚登清心閣望雨

憫雨喜見雲喜雲愁不雨長風將怒點慰此樓中暮喜

雨不但人松竹亦鼓舞未知今年熟得似去年否

登清心閣

若遭好月喚登樓脚力雖慵不自由上得金梯一回首  
冰輪已過樹梢頭

立秋後一日雨天欲暮小立問月亭

雨後林中別樣涼意行幽徑不知長風蟬幸自無星事  
強為閒人報夕陽

七月十二日夜登清心閣醉吟

小樓秋夜月明底仰不見天惟見水岸巾獨立四無人  
白月青天伴揚子誰知橫玉作秋聲一聲吹盡九陌塵  
月輪半仄吾未睡樓角風生涼殺人

月夜散策縣圃有飛蝶仍聞笛聲

月明未許人早睡笛聲解與秋爭清夜深不應有飛蝶  
渠儂似欲伴人行

中秋後一夕登清心閣二首

昨夜雲為祟今宵月始妍如何一日隔便減半分圓影

裏偏宜竹光中不剩天客來休遣去我醉正無眠

秋夜真成晝西山却在東吹高半輪月正賴一襟風清  
景今年過何人此興同青天忽成紙似欲借詩翁

木犀

天將秋氣蒸寒馥月借金波滴小黃不會溪堂老居士  
更談桂子是天香

送客既歸晚登清心閣

誰不知儂嬾其如送客何葉聲和雨細山色上樓多出

處俱為累升沉儘聽他踈鐘暮相答也解說愁麼

戲嘲金燈花上皂蝶

花鬚為飲露為漿黑霧玄霜剪薄裳飛繞金燈來又去  
不知能有幾多香

劉世臣先生挽詩

策第仍為邑於公未足論眼中無佛國戶外即韓門道  
大功非細人亡德則存西風寄雙淚吹到秀峯原

羅元通挽詩



奏賦曾三北興能竟二南如何雙桂子枉着拜親衫舊  
事餘詩酒何人續笑談生前孝友在伐石為公鏡

羅价卿母李氏挽詩

孝豈天無報慈如古所稱百年得偕老二子看同升未  
拜鸞迴紙先虛綉感藤他時頽考叔清淚落君羹

過西山

一年兩踏西山路西山笑人應解語胸中百斛朱墨塵  
雨捲珠簾無半句慙勤買酒謝西山慙愧山光開我顏

鬢絲渾為催科白塵埃滿胸獨遑惜

豫章江臯二絕句

幸自輕陰好片秋如何餘熱未全休大江欲近風先冷  
平野無邊草亦愁

只今秋稼滿江郊猶記春船掠屋茆可是北風寒入骨  
荻花爭作向南梢

同李簿養直登秋屏

大範今無寺秋屏故有基看山非不好弔古却成悲行

役真何苦同來也未遲題詩只惡語差勝不題詩

送別吳師

我公四海不數人小煩江西作好春落霞秋水只似舊  
如何入筆事事新即今諸公方滾滾一老不應閒裏頓  
政緣山水太慙勤日夜叫閤乞此身二天去人忽覺遠  
兩地起公端不免蒼生未要怨東山未必東山當此怨  
歸自豫章復過西山

一眼苔花十里明忽疑九月雪中行我行莫笑無騶從

自有西山管送迎

送何主簿歸豐城

庚寅之早奉新為甚大帥龔公擇行田之官婺  
女何季華以府檄來不怵不疑竟以實聞縣令  
楊萬里哦五言以餞其歸

衆裏非無士難中却幾人如何新帥澤偏作此邦春未  
要棲鸞恨方看報主身青燈一樽酒聊復話酸辛

詔追供職學省曉發鳴山驛

金五口五之三  
卷六  
數店踈仍密千峯整復斜冰痕猶帶浪霜草自成花碌  
碌堪朝列星星已鬢華帝城萬事好得似早還家

望見靈山

早後催科惱殺儂且隨尺一解而東靈山忽近西山遠  
回首新吳一夢中

登烏石寺

回頭身忽在樹杪一覽千山萬山小怪崖不落歌欲摧  
令人仰看怯眼開小亭解事知儂倦翼然飛出青山半

上頭最上却鏡平百畝金碧千衲僧高峯高寺更高閣  
進步竿頭若為脚茲遊勝絕庸非天山下虛行二十年  
夜宿楊溪曉起見雪

茅檐無聲風不起誤喜夜來雨應止開門送眼忽心驚  
失却前山萬堆翠江南只說浙西山更令着雪與人看  
諸峯盡處一峯出凜然玉立最高寒溪聲細伴吟聲苦  
客心冷趁波心去掉頭得句恐天嗔且喚征夫問前路

辛卯五月送立宗卿太博出守秀州二首

馮翊端誰可立遲肯去麼繭絲臣敢後饑饉帝云何身  
達當難免能稱未要多但無田里嘆不必袴襦歌

老矣渠憐我超然我愛渠論詩春雨夜解手藕花初夢  
只江湖去情知伎倆踈未應五馬貴不寄一行書

代錢塘宰莫子章賀皇太子生辰

寒外乾坤淨霜前殿閣新如何震一索頓有月重輪甲  
觀堂初畫青宮榜更銀三天同日曉一氣八荒春東序  
緒周學南陽摘漢親承祧英類祖問寢孝通神帝子臨

京邑藩寮着野人天將重九節瑞應誕彌辰  
萸菊雙為壽山河總效珍前星環紫極長照漆園椿

題呂子明國諭退菴

筆硯工為崇湖山苦約盟坐忘非聖處行樂且吾生  
一笑誰當會孤斟句恰成何時却乘興雪外叩柴荆

送蜀士張之源二子維燾中童子科西歸

岷山玉樣清岷水眼樣明風流文采故應爾又見張家  
雙驥子小兒八歲骨未成誦書新作鸞鶴聲大兒十二



氣已老覓句談經人絕倒豫章七年人得知駃騠三日  
世便竒天生異材能幾許更飽風霜也未遲

壬辰別

闕

元伯丞公折雙梅見贈作一絕

以謝之

一花怪結雙青子獨蒂還藏兩玉花薄相春工寧底巧  
眼明初見雪枝斜

四月二日進士唱名萬里以省試官待罪殿  
廬遇林謙之說詩夜歸又見林東因紀其事

清曉朝帝所就列復少須不遇林夫子於何得故吾宮  
雲霽猶未宸風爽亦初說詩憐新體信美古則無將無  
古人拙未必今製踈夜歸辱良訊送似談笑餘病懷翻  
不樂此意從誰舒短歌紀幽事老矣復焉如

送黃仲秉少卿知瀘州二首

灑灑方如象舩底似飛相將刺天去收拾大名歸西  
掖桐陰靜南瀘荔子肥未應經世具便欲閉山扉  
補外公何幸求歸我尚留還為萬里別又費半生愁安

得歌黃帽相從却白頭醉中有話在欲說忘來休

晚立西湖惠照寺石橋上

船於鏡面入煙叢寺在湖心更柳中暮色欲來吾欲去  
其如南北兩高峯

謁永祐陵歸途遊龍瑞宮觀禹穴

我昔騎鳳超九疑今復御風登會稽禹穴下窺正深黑  
地老天荒知是非好峯高處偏薄霧秋熱苦時恰輕雨  
回頭却望昭陵松雲氣成龍或成虎

寄馬會叔

影轉郎官宿春隨刺史天相從忽相別同舍况同年我  
愛吳兒說兄如邵父然賜金真浪費喚取從甘泉

送傅安道郎中將漕七閩二首

一代風騷將百年忠義家出關稱使者踏雪度梅花夢  
破南宮被春生北斗槎懸知入奏日不待貢新茶  
把酒春如許論詩夜未央相逢便金石何必試冰霜離  
合知難免愁思自不忘他年一茅屋公肯訪荒涼

故恭人劉氏挽詞

徐通  
仲母

雨露低蘋沼芝蘭上桂林魚軒簾感綉鸞紙誥塗金死者夫何恨歸歟乃宿心不偕君子老愁絕白頭吟

王龜齡挽詞

佛以偏師勝天能一手回橫空立萬仞不為作三魁道  
大身無着人亡世却哀溪梅那解事寂寞為誰開

公號  
梅溪

吳母葉氏太孺人挽詞

其子太學博士  
吳飛英字德華

髮以留賓短家從教子貧斑衣奉常署象服鏡湖春許

穆詩還廢班姬史尚新不堪萱草露也解泣慈親

答章漢直

詩人今代謝宣城舉子新年章子平雨剽風殘忽春暮  
花催草喚又詩成五湖煙水三冬卧萬里雲霄一日程  
老裏睡多吟裏少舊家句熟近來生

西湖晚歸

際晚遊人也合歸畫船猶自弄斜暉西湖兩岸千株柳  
絮不因風暖自飛

癸巳省宿詠南宮小桃

孤坐南宮悄桃花故故紅晴曛半臉日寒慘數鬚風昔  
歲山村裏春光痛飲中不煩渠伴宿今我已衰翁

送李童子西歸

江西李家童子郎腹載五車干玉皇選德殿後春晝長  
天子呼來傍御床口角誦書如布穀眼光骨法俱冰玉  
紫綃輕衫髮錦束萬人回頭看不足莫言幼慧長不奇  
楊文公與晏臨淄老翁答兒也太癡欲鞭轅下追霜蹄

六歲取官曲肱似春風畫錦歸吾里生子當如李童子  
至如吾兒豚犬耳

送林謙之司業出為桂路提刑

兩眼起宵坐搔首偶不欣孤念元無感懷我同社人昨  
日林先生挹經出成均初聞為渠喜忽悟誰我親緬然  
記宿昔夜欵水際門微月耿秋寂幽蛩慨涼新論詩煮  
豆粥粥熟天已晨先生補天手萬象焉能春若非千載  
仰却要今世珍聖門舊傳業不在先生身雪前何有松



金少口人卷六  
燬中諒非碻論思尺有咫決去曾逡巡誰言我無耳老  
矣未有聞先生又舍我離別尚足云桂山玉筍立桂水  
羅帶紋得句能寄似不須持嶺雲

寄題天台臨海縣白鶴廟西泉

為司晨顏魯子作魯子始尹臨海禱晴於祠下  
見殿之東砌有泉而西獨無因念安得西泉未  
幾有泉出焉

東泉千年流不休西泉千年秘不流臨海令君一念作

猿鳥未知泉已覺殿脚西頭蒼石根向來元無泉眼痕  
一朝擘崖迸膏乳却與東泉作賓主令君已昇金掌中  
白鶴古祠煙雨濛父老思君難再得登亭飲泉三歎息  
祝君公台壽千百

和韓子雲惠詩

幸自同表好誰令異巷居恭承五箇字不但百車渠句  
法端何樣先生肯乞去聲餘只容彈劍缺敢道出無車

送丁子章將漕湖南三首

嶽麓猿聲裏湘流鴈影邊  
自天持一節到日是新年  
身退名逾重今稀古則然  
黃花雖不好只是插離筵

湖外遊曾漫荒餘好在磨山應  
依樣瘦民豈似田多不是無風物  
其如費拊摩人言補外樂且道定如何

半世行天下同心寡友生  
故人今又去此意向誰傾  
白髮三更語青燈一點明  
看渠還玉署老我正歸畊

送葉叔羽寺丞持節淮東二首

呼酒東西玉探梅南北枝  
相逢長不欸此別有餘思  
古

道寒如水吾儕鬢已絲一生商略此更待贈臨歧  
者海誰為崇沿淮困不勝民思賢使者帝遣大農丞玉  
節寒侵斗牙檣凍作冰來歸聞早着紫禁要渠登

題張興伯主簿經訓堂

范家尚有釜生魚張家無魚釜也無屠沽兒亦莫笑渠  
渠有至富汝不如一翁凍吟擁竹爐諸郎映雪夜讀書  
山鬼來聽鶴驚起萬壑無聲霽月孤不論取官大門閭  
如是經訓為菑畚父子每腹百斛珠出門掩鼻馬牛裾

馬郎中母蔣夫人挽章

文物餘三徑芝蘭秀五常  
魚軒來粉省象服去黃堂  
此母今誰似清名死不亡  
一生令吏部廢却蓼莪章

送韓子雲檢正將漕江東二首

宰士仍名士詩人更德人  
還家桐樹古攬轡綉衣新  
不以髯邊雪而忘句裏春  
登庸衣鉢在得戀大江濱  
名下得佳句夢中哦半生  
未逢心已契相見眼偏明  
復此匆匆別蒼然惘惘情  
非關風外樹儂自作離聲

送陳行之寺丞出守劍南二首 甲午

甫爾承農扈翩然牧劍津諸公誰不相有子幾何人氣  
節霜餘凜辭章玉樣新飛騰可輕料渠亦正青春

我名公先到公歸我亦行三年如夢爾一笑可憐生野  
店緣山去春風並轡輕先愁饒水上話別若為情

送鄉僧德璘二首

衲子向來元士子詩僧遮莫更禪僧不妨叅透諸方得  
別有宮牆第一層

湖上諸峯紫翠間三年欲到幾曾閒  
儂今去處渠知麼不是南山即北山

別蕭挺之泉州二首

郎署春同宿州麾晚卜鄰出山成底事  
藉手得斯人名實今無對雲霄早致身  
再逢應互笑誰髮不如銀

八葉今成九一枝誰敢雙野人應補外  
賢者亦為邦夾岸梅臨水孤帆雪湧江  
別愁纔半掬不遣我心降

甲午出知漳州曉發船龍山暮宿桐廬二首

一席清風萬壑雲送將華髮得歸身海潮也怯桐江淨  
不遣濤頭過富春

道途奔走不曾安却羨山家住得閒記取還山安住日  
更忘奔走道塗間

上嚴州烏石灘

人語相聞數尺間其如灘惡費人牽已從灘下過灘上  
却立前船待後船

雨裏問訊張定叟通判西園杏花二首



白白紅紅一樹春  
晴光炫眼看難真  
無端昨夜蕭蕭雨  
細錦金機卸作茵

梅不嫌踈杏要繁  
主人何忍折令殘  
也知雨意將無惡  
為勒芳菲故故寒

攜家小歇嚴州建德縣簿廳曉起

不堪久客只思歸  
曉起巡簷強撚髭  
偶聽梅梢啼一鳥  
舉頭立看獨多時

題嚴州新堂

郡圃舊亭面東了無所見太守曹仲本撤材易  
地為堂買地以廣之正對南山經始小築覺江  
山輻湊因得長句

新堂畧有次第否忙裏從公一來覩是時新秋收舊雨  
小風吹花掠巾屨江山只道不解語云何惠然堂上聚  
北山故挽南山住東溪不遣西溪去向來天藏在何處  
遭公拈出天不拒舊亭不為山作主背山起樓何以故  
更煩好手鏟東阜放出釣臺寸來許

和馮倅投贈韻二首

名頎字子長

先生彈鋏凍吟時此豈求他一世知只怨送窮窮不去  
元來却不怨工詩

繭紙松煤細作行兩詩字字可珍藏書生伎倆成何事  
只博虛名萬古香

積雨小霽暮立捲書亭前二首

報晴底用暮寒為薄薄春衫橫見欺似有如無風細甚  
柳絲無賴恰先知

淡紫斜陽嫩碧天一春今夕始開顏  
看山偶忘歸來却月到西廊第二間

虞丞相挽詞三首

負荷偏宜重經綸別有源  
雪山真將相赤壁再乾坤  
奄忽人千古淒涼月一痕  
世無生仲達好手未須論

保真方為左希文自請西不勞三尺劍  
已辨一丸泥已矣歸黃壤傷哉夢白雞  
清風誰作誦何石不天齊

一老堂堂日諸賢得得來  
但令元氣壯患不塞塵開名

大天難着人亡首忍回東風好西去吹淚到泉臺

南溪山居秋日睡起

客至徒嗔不着冠起來信手攬書看小蜂得計欺儂睡  
偷飲晴窓硯滴乾

秋夕書懷

老去還多感歸來正倦遊數峯愁外月一葉靜邊秋偶  
憶平生事真供獨笑休燈花吾會得村酒恰當菊

秋暑二首

一年強半走塵埃觸熱還山亦快哉幸自西風歸較早  
却教秋暑伴將來

追涼能到竹溪無隔水斜陽未肯晡剩暑不蒙蕉扇扇  
細雲聊倩月梳梳

觀稼

三年再旱獨堪聞一熟諸村稍作欣老子朝朝弄田水  
眼看翠浪作黃雲

感秋

舊不愁秋只愛秋風中吹笛月中樓如今秋色渾如舊  
欲不悲秋不自由

送翁志道

平生公子妙談天惟愛青山不愛官一笑同看巖下井  
秋來能更起微瀾

表弟周明道工於傳神而山水亦佳久別來  
訪贈以絕句二首

筆端人物更江山外弟周郎兩不難可把吳淞半江水

博他頭上進賢冠

儂家有軸郭熙山隨在冰溪雪嶺間有弟新來眼如月  
為儂洗手拾將還

送彭元忠司戶二首

觸熱能相訪言歸有底忙百聞纔半面一別又三湘詩  
入江西社心傳肘後方木天須此士丹筆校官黃  
浯石高仍瘦愚溪紺且寒憑君聊杖屨道我問平安句  
好今逾進書來刺寄看只言官舍小簷下過湘灘



乙未和楊謹仲教授春興

歸歟遽復換年芳不分官梅惱石腸黃帽政堪供短棹  
白頭可更獻長楊忽逢社裏催搜句安得花邊對舉觴  
天上含香有知己彈冠端復為王陽

寄廣東提刑林謙之司業

玉節星槎下九天祝融海若讓雲煙故人一別還三歲  
新句如今更幾篇憶昨任班南內否論詩看雪未央前  
夢中若箇韶州路庾嶺梅花正可憐

送子上弟之石井

吾生苦終鮮四海皆弟兄四海尚如許而况吾宗盟君  
年甫弱冠已有雋異聲作賦擬三都著論追過秦平生  
一瓣香何曾舉似人子上與濟翁真若吾同生我窮無  
人共二子慰眼明濟翁往荊州君作石井行一老便落  
莫有話從誰評懷哉勿重陳呼酒且細傾

雨中送客

間人也解有忙時送客誰令作許癡一夜黑風吹白雪

明朝紫陌總黃泥

送客夜歸呈蕭岳英縣丞

並舍頻過亦幾曾却因送客得同行  
風船逆水四十里雪屋吹燈三二更  
老去病身禁底苦向來危宦若為情  
天台香火儂當覓且伴先生學養生

二月望日

海棠着意喚詩愁桃李纔開又落休  
小雨輕風春一半去年今日在嚴州

醉筆呈尚長道

晚風一雨生新漲只送仙槎到天上十年相別一相逢  
和氣春風談笑中如今耆舊晨星似猶及先生說遺事  
舌端往往疏九河只有剩浪無欠波漢渠周柱幾青竹  
却在先生一泓腹諸公道是今乏才如何此士尚塵埃  
此行青瑣更黃閣拭目孤鴻徑寥廓能念南溪病客無  
風來肯寄半行書

尚長道十年離索杯酒話舊憮然若  
隔世醉筆無律令亦情之至也淳熙

乙未四月  
十四日

初夏三絕句

麥黃秧碧百家衣已熟猶寒四月時  
雨後覓春無一寸  
野薔花發醞燕脂

手種琅玕劣十年今年新筍不勝繁  
不知明早添多少  
日暮閒來數一番

竹間霧重午方乾松裏雲深夏亦寒  
只道一溪無十里  
為誰百屈更千盤

行圃

薤本新痕割復齊  
豆苗初葉合仍離  
鶯聲正好還飛去  
不為詩人更許時

看筍六言

筍如滕薛爭長竹  
似夷齊獨清只愛錦  
綳滿地暗林忽  
兩三莖

農家六言

插秧已蓋田面  
踈苗猶逗水光  
白鷗飛處極浦  
黃犢歸時夕陽

山居

鬢禿猶云少書多却道窮柴門踈竹處茅屋萬山中幽  
夢時能憶間題底要工不知蟬報夏為復自吟風

有歎


老來無面見毛錐猶把閒愁付小詩若道愁多頭易白  
鷺鷥從小鬢成絲

誠齋集卷六

謹案卷六第十三頁前六行不但百車渠按車一  
本作年







總校官庶吉士臣張能照

校對官庶吉士臣陳文樞

臆錄監生臣沈元錡

欽定四庫全書薈要

集部

誠齋集卷八

七

詳校官助教臣謝登雋



欽定四庫全書薈要卷一萬五千五百八十四

集部

誠齋集卷七

宋 楊萬里 撰

詩

江湖集

梅熟小雨

風從獨樹忽然來  
雨去前山遠却迴  
留許枝間慰愁眼  
兒童抵死打黃梅



書王右丞詩後

晚因子厚識淵明早學蘇州得右丞忽夢少陵談句法  
勸叅庾信謁陰鏗

飯罷登山

樹遠通鶯響花晴帶雨痕登山偶回首隔水見前村澹  
往孤無伴清歸笑不言還家更遲着松菊未應存

待次臨漳諸公薦之易地毗陵自愧無濟劇

才上章丐祠

亦豈真辭祿誰令自不才更須三釜戀未放兩眉開道  
我今貧却何朝不飭來商量若為可杜宇一聲催

梔子花

樹恰人來短花將雪樣看孤姿妍外淨幽馥暑中寒有  
朶蓂瓶子無風忽鼻端如何山谷老只為賦山礬

謝傅宣州安道郎中送宣城筆

忽驚騎吏叩柴荆厚祿移書訪死生今日猶逢傅巖雨  
前身端是謝宣城解色兔穎霜盈把試墨山泉月一泓

老裏苦吟翻作拙，撚鬚枉斷兩三莖。

病瘡無聊

病身兀兀意昏昏，急掛東窓避夕曛。  
坐看雲生還有雨，忽然雨止併無雲。

秋興

宿有青霞願，惟應白鷺知。  
風煙聊晚望，山水入秋宜。  
老裏還多病，貧中却剩詩。  
浪愁餘熱在，會自有涼時。

中秋與諸子果飲

幾年今夕一番逢  
千古何人此興同  
酒入銀河波底月  
笛吹玉桂樹梢風  
莫言秋色無多巧  
淨洗清光也費工  
老子病來渾不飲  
如何頻報綠尊空

挽鄒彥明

野渡無冰涉荒民不木  
飢橋橫侍郎記墓立舍人碑  
自古誰無死何人沒後思  
淙淙富川水便是挽歌詞

探梅偶李判官餽熊掌

小摘梅花蓼玉壺  
旋糟熊掌削瓊膚  
燈前雪裏新醅熟



放却先生不醉無

醉後搯梅花近壁以燈照之宛然如墨梅

老子年來畫入神鑿空幻出墨梅春  
壁為玉板燈為筆  
整整斜斜樣樣新

釣雪舟倦睡

予作一小齋狀似舟名以釣雪舟予讀書其間  
倦睡忽一風入戶撩瓶底梅花極香驚覺得絕

句

小閣明窓半掩門  
看書作睡政昏昏  
無端却被梅花惱  
特地吹香破夢魂

晚步南溪弄水

吾廬在南溪溪北北山半山空  
誰肯鄰影靜鶴為伴萬  
松當籬落千巖上几案花草豈厭多  
不多亦堪翫一丘  
萬事足半點無外美如何濯雙纓  
獨欠泉一眼晚晴漫  
野步偶到溪側畔頗怪清淺流  
雪後劣如線相將二三  
子一笑出竒觀瓊石雜瑤磔  
掇拾作微堰鏘然便淙琤

清若奏琴阮當流立孤石灑瀨忽童牝不塞勢何怒惟  
激聲故遠從今日日來愁肺要湔浣兒童俾勿壞鷗鷺  
好收管

醉眠夜聞霜風甚緊起坐達旦

玉酒熏人底易醒月低梅影恰三更只嫌老眼清無睡  
不道松聲聽到明

雪花旋落旋成融橫作清霜陣陣風一夜急吹君會否  
妬他殘葉戀丹楓

霜夜望月

人靜蛩喧天欲霜不眠獨自步風廊閒看月走仍雲走  
知是雲忙復月忙

瓶中梅花長句

幽人早作月滿階月隨幽人登舫齋推門欲開猶未開  
猛香排門撲我懷往從鼻孔上灌頂拂拂吹盡髮底埃  
恍然隨我衆香國欲問何祥無處覓冥搜一室一物無  
瓶裏一枝梅的皜平生為梅判斷腸何曾知渠有許香

夜來偶忘挂南窓貯此幽馥萬斛強却憶去年西湖上  
錦屏下瞰千青嶂谷深梅盛一萬株十頃雪波浮欲漲  
是時雨後初開前日光烘花香作煙政如新火炷博山  
炰出沉水和龍涎醉登絕頂撼踈影掇藥餐花照冰井  
蜀人老張同舍郎喚作謫仙儂笑領如今茅屋卧山村  
更無載酒來叩門一尊孤斟懶論文猶有梅花是故人  
去年今月予既得麾臨漳朝士餞予高會于西湖上劉  
寺滿谷皆梅花一望無際絕頂有亭榜曰錦屏予獨倚  
一株老梅摘花嚼之同舍張監簿蜀人名琬  
字君玉笑謂予曰韻勝如許謂非謫仙可乎

夜坐以白糖嚼梅花

剪雪作梅只堪嗅點蜜如霜新可口一花自可嚙一杯  
嚼盡寒花幾杯酒先生清貧似飢蚊饒涎流到瘦脰根  
贛江壓糖白於玉好伴梅花聊當肉

釣雪舟中霜夜望月

溪邊小立苦待月月知人意偏遲出歸來閉戶悶不看  
忽然飛上千峯端却登釣雪聊一望冰輪正挂松梢上  
詩人愛月愛中秋有人問儂儂掉頭一年月色只臘裏

雪汁揩磨霜水洗八荒萬里一青天碧潭浮出白玉盤  
更約梅花作渠伴中秋不是欠此段

梅花下小飲

今年春在臘前回怪底空山早見梅數點有情吹面過  
一花無賴背人開為攜竹葉澆瓊樹旋折冰葩浸玉杯  
近節雨晴誰料得明朝無興也重來

幽居三詠

釣雪舟

青鞋黃帽綠蓑衣  
釣雪舟中雪政飛  
歸自嚴州無一物  
扁舟載得釣臺歸

雲卧菴

十年兩袖軟紅塵  
歸濯滄浪且幅巾  
不是白雲留我住  
我留雲住卧閒身

誠齋

浯溪見了紫巖回  
獨笑春風儘放懷  
謾向世人談昨夢  
便來喚我作誠齋



寄題更好軒

經丘尋壑恰忙時更有工夫到得詩政用此時索詩債  
素兄青士若為癡

無梅有竹竹無朋有竹無梅梅獨醒雪裏霜中兩清絕  
梅花白白竹青青

郡中送春盤

餅如繭紙不可風菜如縹茸劣可縫韭芽捲黃苳舒紫  
蘆葍削冰寒脫齒卧沙壓玉割紅香部署五珍訪詩腸

野人未見新曆日忽得春盤還太息新年五十奈老何  
霜鬚看鏡幾許多麴生嗔人不解事且為春盤作春醉  
臘裏立春蜂蝶輩出

嫩日催青出凍荻小風吹白落踈梅殘冬未放春交割  
早有黃蜂紫蝶來

梅花落盡有感

五樹梅花一樹遲花遲花早總離披春風只解吹梅落  
不為愁人染鬢絲

丙申歲朝

椒盤又頌一年初，多拜猶欣未要扶。  
山色長供青翡翠，春光不為白髭鬚。  
仙家風土間中是，歲後鶯花較早無。  
人事馳驅不須歎，倦來添得睡工夫。

與劉景明晚步

行盡南溪溪北涯，李花看了看桃花。  
歸來倦卧呼童子，旋煮山泉瀹建茶。

贈劉景明來訪

硯席相從昔少年白頭誰信兩蒼然來從八桂三湘外  
憶折雙松十載前告我明朝還又別對床終夕不成眠  
交游存沒休休說且為梅花酌玉船

曉看牡丹呈彭仲莊

牡丹新植舊來無早起看花花更蘇晴翠滿空天正曉  
暖紅烝霧汗成珠絕憐嫩日偏催老猶喜輕春為給扶  
來歲一株應百朶只今紫笋繞根鬚

和彭仲莊對牡丹上酒

病身無伴卧空山石友相從慰眼寒呼酒撚花談舊事  
牡丹匹似夢中看

老裏心情客裏懷逢花不飲若為開虛名身後真何用  
更判生前酒一杯

暮春小雨

宿酒微醒尚小醺似癡如病不多欣深深池沼輕輕雨  
獨倚欄干看水紋

夏日絕句

不但春妍夏亦佳  
隨緣花草是生涯  
鹿葱解插纖長柄  
金鳳仍開最小花

小池

泉眼無聲惜細流  
樹陰照水愛晴柔  
小荷纔露尖尖角  
早有蜻蜓立上頭

題左正卿壽慈堂

萬事絲窠黏露珠  
奉親最樂天下無  
丘明遠孫千里駒  
有母七十髮漆如  
雪底笋生冰底魚  
人間無覓天賜渠

三更月落堂西隅，母自挑燈兒讀書。去年生日不用扶，今年生日健過初。冰桃碧藕脆如酥，一觴千歲母子俱。  
輓謝母安人胡氏

玉樹仍雙桂，金花不一書。雪封青竹笋，霧失白藤輿。天下誰無母，江西未有渠。西峰半輪月，松檟正踈踈。

雨霽幽興寄張敬夫

大官有重荷，豐廩無薄憂。草茹我豈腴，飽亦與彼侔。積雨久自霽，曙光清以幽。欣然出荆扉，不出旬已周。初意

欲看竹信步偶臨流北驚失故岸東見生新洲懷哉古  
與今與此豈不猶歸來翻不樂隱几到昔遊平生忘年  
友草草相應酬暫夢不多欸喚人苦鳴鳩山林本無事  
亦復擾擾休

題劉伯山蕃殖圖二首

畫禾黍  
稷菽麥

老子平生只荷鋤誤攜破硯到清都歸來荒盡西疇却  
愧見劉家蕃殖圖

黃雲翠英雜玄珠上熟今年不負渠說似田家早收拾



一番風雨一番踈

極暑題釣雪

暑中北閣望南窓將謂南窓分外涼到得南窓還更熱  
芙蓉和菜落幽香

讀書

讀書不厭勤勤甚倦且昏不如卷書坐人書兩忘言興  
來忽開卷徑到百聖源說悟本無悟談玄初未玄當其  
會心處只有一欣然此樂誰為者非我亦非天自笑終

未是撥書枕頭眠

六月二十三日立秋

暑中剝喜立秋初特地西風半點無旋汲井花澆睡眼  
灑將荷葉看跳珠

聽雨

歸舟昔歲宿嚴陵雨到踈篷聽到明昨夜茅檐踈雨作  
夢中喚作打篷聲

中秋前二夕釣雪舟中靜坐

月到南窓小半扉無生始覺室生輝  
人間何處冰壺是  
身在水壺却道非

去歲中秋政病餘愛他月色強支吾  
今年老矣差無用  
後夜中秋有月無

中秋無月既望月甚佳

中秋無月莫尤天月入秋來夜夜妍  
且道今宵明月色  
何曾減却半分圓

月到中秋故故無今宵月好莫渠孤  
舊傳月徑圓千里

影落金杯只粒珠

晚興

雙井茶芽醒骨甜  
蓬萊香燼倦人添  
蜘蛛政苦空庭潤  
風為將絲度別簷

約劉彥純會建安寺

邂逅何時可平章  
後月涼前期來一夕  
古寺作重陽白  
酒多多載黃花急急香  
遣詩愁已遣何況更連床

送客山行

金匱四庫全書  
卷七  
嶺雲為作小涼天  
山店重來憶去年  
獨樹丹楓誰不是  
何須更立萬松前

秋月

夜氣涼於水  
高齋可當樓  
古來除却月  
此外更無秋  
寒入蘭心勁  
光隨菊脚流  
惟愁清不極  
清極却成愁

雨夜

歲晚能無感  
詩成只獨哦  
螢光寒欲淡  
秋雨暮偏多  
伴老貧無恙  
留愁酒肯磨  
吟蟲將落葉  
為我拍還歌

秋雨歎十解

雨入秋宵滴到明不知有意復無情  
若言不攪愁人夢為許千千萬萬聲

霖霖滴滴未休休不解教儂不白頭  
却把窮愁比秋雨猶應秋雨少於愁

濕侵團扇不能輕冷逼孤燈分外明  
蕉葉半黃荷葉碧兩家秋雨一家聲

厭聽點滴井邊桐起看空濛一望中  
橫着東山三十里

真珠簾外翠屏風

籬下黃花最恨他  
金鈿香少淚痕多  
仙人解補銀河漏  
天上無泥奈許何

老子愁來只苦吟  
一吟一嘆為秋霖  
居人只道秋霖苦  
不道行人泥更深

晝落無聲夜有聲  
只堪醉聽不堪醒  
簷牙半點能多少  
滴入苔階一寸青

曉起窮忙作麼生  
雨中安否問秋英  
枯荷倒盡饒渠着

滴損蘭花太薄情

似霧如塵有却無須臾密密復踈踈忽忘九月清霜曉  
喚作濛濛二月初

不是簷聲不放眠只將愁思壓衰年道他滴瀝渾無賴  
不到侯門舞袖邊

寄題劉直卿冰壺

外看積翠玉千峯中有清池月半弓更拓長堤三十里

剩栽楊柳與芙蓉



壺裏清冰冰裏人  
箇邊無地可留塵  
何時去弄池中月  
照我星星白髮新

寄題王國華環秀樓

近山遠岫不知重  
暖翠晴嵐只滿空  
珍重主人將好手  
盡驅秀色入樓中

平地看山山絕低  
上樓山色逐層奇  
不知山與樓爭長  
為復樓隨山却移

贈尚長道簽判

今代高人尚子平風流文采舊家聲合於玉笋班中立  
却向紅蓮幕裏行天色惱人渾欲雪燭花照別若為情  
日邊已辨除書著莫戀南樓秋月明

贈尚獻之

老鳳蒼然姿雛鳳鏘然鳴一見渠父子令人英氣生大  
尚傲一世不肯揖公卿小尚刷羽毛勢欲追風鷁吾州  
八千士下筆雷電聲小尚灑墨汁一笑萬人驚姓名登  
天府紙價高帝城勗哉更摩厲制勝在此行相遭更相

別勿作兒女情舟行得秀句寄我增雙明

題陳叔虎綉梅花扇

指下生寒影針端即化工冰痕將雪點不受燭光融

和彭仲莊七言

向來年少今老翁隨身不去只有窮請君與我共看鏡  
豈復平生冰雪容秋霖暗天瘦日色滿掇黃花當朝食  
何人裹飯問子桑窮裏逢君自為客空山凍吟只自竒  
故人之外誰相知今年相從豈不好安得到老長追隨

喜君詩思未渠薄後秋花鷹兔邊落慚我短才澁欲無  
霜餘水澗流還涸君遊宣溪何日來愁城封閉待君開  
定知此行脫寒谷領取陽春一併回

胡季永挽詞二首

澹菴潛聖學未許外人傳門裏存衣鉢吟邊可管絃浣  
花宗武轡僂耳小坡船綠鬢成黃壤從今更問天  
憶昨官都下同時寄客間相從湖上寺覽遍浙西山駿  
足應千里彪文未一斑霜風吹滿眼老淚為渠潛

送徐吉水解組造朝

我往南溪溪北涯閉門草長不曾開  
風窓只怪燈花喜  
雪徑傳呼縣尹來道是朝廷舉廉吏  
如何江海尚遺才  
西樞東觀俱知己拜了除書却探梅

寄題蕭民望扶踈堂

不栽繁杏試晴紅不種垂楊拂暖茸  
堂下生涯無一物  
月中修竹雪中松

株松箇竹已奇奇那更扶踈蔭碧漪  
喚醒淵明千載夢

政緣瀘水一篇詩

送奔醫時亨往攸縣省親

雪恰來時子恰行  
白雲飛邊雙眼明  
阿母幾年不相見  
阿兄喚渠來作伴  
探囊半粒黃金丹  
湘南小兒開病顏  
江西兩奔留不住  
併被湘南奪將去

晚步

半足輕煙束翠山  
一梳寒月印青天  
生憎野燒無端甚  
直上高林杳靄邊

燈下讀山谷詩

天下無雙雙井黃遺編猶作舊時香百年人物今安在  
千載功名紙半張使我詩篇如許好關人身事亦何嘗  
地爐火暖燈花喜且只移家住醉鄉

題劉直卿宗蘭軒

風亦何須過林仍不厭深莫將春色眼來看歲寒心政  
坐香通國端令佩滿襟楚人更饒舌得免世間尋

寄題朱景元直節軒二首

見說幽居似渭川一川修竹雪霜寒如何剪得蒼蒼玉  
乞與誠齋作釣竿

月到梢頭十倍明風來葉底百分清儘言直節無人會  
歲晚君看太瘦生

和同年梁韶州寺丞次張寄詩

故人一別恰三年誰與論詩更說禪忽報一麾官嶺外  
寄來七字雪梅前人惟南內班行舊語帶西湖山水鮮  
安得對床吟至曉旋烹山茗試溪泉



送永新杜宰解印還朝

去年謫仙初弄兵永新縣前戈劍腥杜侯不持一寸鐵  
閉閣堅卧民不驚軍前米作山谷聚木牛流馬安用許  
但令綠林無點塵何須爛額畫麒麟紫皇急才宵不寐  
斯人合着班行裏速騎匹馬謁明光夜來溪風吹玉霜

探梅

山間幽步不勝奇政是深寒淺暮時一樹梅花開一朵  
惱人偏在最高枝

霜夜

月影全無只有星如何夜色照人清  
素娥未必饒青女不道霜明勝月明

月下梅花

天恐梅花不耐寒遣將孤月問平安  
未須一夜都開盡留取前前後後看

訪周仲覺夜宿南嶺月色燦然曉起路濕聞  
有夜雨

夜晴那得曉來泥纔見金鉦浴紺池一陣五更松上雨  
元來睡着不曾知

過西坑

乾風無那濕雲何吹不能開只助他野水落溪生蟹眼  
一番過了一番多

觀陂水

波緩漚遲似讓行忽然赴壑怒還生東歸到底誰先後  
何用爭流作許聲

劉村渡二首

隔岸輕舟不可呼，小橋獨木有如無。  
落松滿地金釵瘦，遠樹黏天菌子孤。

曠野風從脚底生，遠峯頂與額般平。  
何人知道誠齋叟，獨着駝裘破雨行。

晚歸遇雨

畧畧煙痕草許低，初初雨影傘先知。  
溪回谷轉愁無路，忽有梅花一兩枝。

和閩漕傅安道郎中送毛平仲詩韻寄謝惠  
書及詩

宣城訊後忽年餘閩水風來又歲除  
人品只今推正始詩聲何止過黃初  
豈惟天上同朝友不寄山中半紙書  
珍重故人多問我鬢毛半脫齒全踈

丁酉初春和張欽夫榕溪閣

榕影下照水翠蛟舒復繆溪光逆昇簷  
未夏凍以幽高閣昔雨荒竒觀久風休  
南軒天遣來山谷神與謀宇新

址惟舊景逝人為留不意猿飲潭復見駟駕軻先生何  
孤往野客欠從遊願攜龍文璧去淪兔褐甌垂手掬寒  
泚移床聽涼颼閣迥詩更超古往今亦猶攬渠五字妙  
覺我百疾瘳出山未遽誤在山未遽優如何近來夢夜  
夜在釣舟

曾達臣挽詞二首

珠凍蘭溪水冰封玉筍山是翁元不死蛻骨在中間書  
畫今存否儀型香莫攀端令郡博士陟謁淚斑斑

議論千古胸懷一一奇非關時棄我不肯我干時老  
鶴雲間意長松雪外婆平生獨知命冷眼看人癡

題劉景明百牛圖扇面

吉語聞田父新年勝故年借儂百犢鯨雨裏破荒田

題劉景明百馬圖扇面

霧鬣如無筆霜蹄不帶埃直言明眼看若箇是龍媒

題鄧國材水墨寒林

人間那得箇山川船上漁郎便是仙遠嶺外頭江盡處

問渠何許洞中天

春寒絕句

幾絲微雨暎前山  
半點輕寒健牡丹  
只道一春晴較少  
到他晴了是春殘

雨中醑醑

翡翠堆頭亂不梳  
梅花腦子糝肌膚  
夜來急雨元無事  
曉起看花一片無

晚春即事二絕



金  
尺許新條長杏栽丈餘斑笋出墻隈浪愁草草醱醱過  
不道婷婷芍藥來

樹頭吹得葉真真三日顛風不小停只是向來枯樹子  
知他那得許多青

寄題鄒虞卿覲仙閣

仙山去天纔一握與山相高鄒氏閣月波吹面寒欲冰  
斗柄挂簷危不落葉縣雙鳧那復飛緱山一鶴何時歸  
王仙肯來閣上否共絲麟脯傾天酒

入城

杜鵑有底怨春啼  
燕子無端貼水飛  
不種自紅仍自白  
野酴醾壓野薔薇

永和放船二首

永和不到又經秋  
淡日微風好放舟  
最是可憐江上路  
人來人去幾時休

瀕江樓閣祇遙看  
却恐登臨不足觀  
已是老來無眼力  
更供兩岸萬峯寒

誠齋集卷七

欽定四庫全書薈要卷一萬五千五百八十五

集部

誠齋集卷八

宋 楊萬里 撰

詩

荆溪集

丁酉四月十日之官毘陵舟行阻風宿稠陂

江口

蟲聲兩岸不堪聞把燭銷愁且一尊誰宿此船愁似我

船篷猶帶燭煙痕

千里江行一日程  
出山似被北風嗔  
東窓水影西窓月  
併照船中不睡人

舟次西徑

夜來徐汊伴鷗眠  
西徑晨炊小泊船  
蘆荻漸多人漸少  
鄱陽湖尾水如天

餘干泝流至安仁

半篙新漲滿帆風  
兩岸千山一抹中  
慚愧擢郎能袖手

若非袖手更無功

宿小沙溪

樹浦山煙補缺雲風揉花雨作香塵綠楊儘道無情着  
何苦垂條拂路人

諸峯知我厭泥行捲盡癡雲放嫩晴不分竹梢含宿雨  
時將殘點滴寒聲

玉山道中

村北村南水響齊卷頭卷尾樹陰低青山自負無塵色

盡日殷勤照碧溪

入常山界

老隨千騎赴毘陵  
騎吏朝來有喜聲  
未到常山三十里  
此身已在浙中行

過招賢渡

余昔歲歸舟經此水  
涸舟膠旅情甚惡

歸舟曾被此灘留  
說着招賢夢亦愁  
五月雪飛人不信  
一來灘下看濤頭

一江故作兩江分立殺呼船隔岸人柳上青蟲寧許劣  
垂絲到地却回身

倦游客子自無聊不是江山景不饒危岸崩沙新改路  
斷渠橫石自成橋

岸上行人莫嘆勞長年三老政呼號也知灘惡船難上  
仰踏桅竿卧着篙

苔溪登舟

深於池沼淺於河動地風來也不波只道東來行役苦



胡床面面是菱荷

舟過德清

人家兩岸柳陰邊  
出得門來便入船  
不是全無最佳處  
何窓何戶不清妍

舟泊吳江

獨立吳江第四橋  
橋南橋北渺銀濤  
此身正在吳江裏  
不用并州快剪刀

江湖便是老生涯  
佳處何妨且泊家  
自汲松江橋下水

垂虹亭上試新茶

東是吳江西太湖長橋橫截萬尋餘  
江妃舞倦凌波襪  
玉帶圍腰攬鏡初

七月十四日雨後毘陵郡圃荷橋上納涼

荷葉迎風聽荷花過雨看移床  
橋上坐墮我鏡中寒

暮立荷橋

欲問紅蕖幾蒼開忽驚浴罷夕陽催也  
知今夕來差晚  
猶勝窮忙不到來

秋熱追涼池上

圃迥人全寂，池清慮自消。  
萍根微著水，荷葉欲穿橋。  
今歲知何故，秋陽爾許驕。  
追涼猶有處，此老未無聊。

秋涼晚步

秋氣堪悲未必然，輕寒政是可人天。  
綠池落盡紅蕖却，荷葉猶開最小錢。

毘陵郡齋冬至晴寒

竹屋消殘半瓦霜，冰河凍裂一漁航。  
不須宮線量曦影。

化日今年特地長

蠟梅

天向梅稍別出奇國香未許世人知  
殷勤滴蠟緘封却偷被霜風折一枝

登淨遠亭

池水受日未全開旋旋波痕百皺來  
野鴨被人驚得慣作羣飛去却飛回

戊戌正月二日雪作

雪與新春作伴回  
擣霜為片電為埃  
只愁雪虐梅無奈  
不道梅花領雪來

夢回紙帳怪生寒  
童子傳呼雪作團  
已被曉風融作水  
頭巾不裹起來看

戲題郡齋水墨坐屏二面

兩客呼船一急行  
樹林半落半猶青  
諸峯最是中峰好  
我欲峯頭築小亭

荆溪四面四無山  
不是荒林即野田  
忽有石崖天半出

飛泉落處稍人煙

郡圃小梅一枝先開

小窠梅樹太尖新  
先為東風覓得春  
後日千株空玉雪  
如今一朵許精神

戲贈子仁姪

小阮新來覓句忙  
自攜破研滴寒江  
天公念子抄詩苦  
借與朝陽小半窓

淨遠亭晚望

鷓鴣嬌紅野鴨青為人浮沒為人鳴忽聞風起仍波起  
乃是飛聲與落聲

郡齋梅花

月朶千痕雪半梢便無雪月更飄蕭不應牕尾春頭裏  
兩歲風光一併饒

雪夜尋梅

去年看梅南溪北月作主人梅作客今年看梅荆溪西  
玉為風骨雪為衣牕前欲雪竟未雪梅花不慣人間熱

橫枝憔悴浣晴埃。端令羞面不肯開。縞裙夜訴玉皇殿。  
乞得天花來作伴。三更滕六駕海神。先遣東風吹玉塵。  
梅仙曉沐銀浦水。冰膚別放瑤林春。詩人莫作雪前看。  
雪後精神添一半。

雪霽出城

梅於雪後較多花草亦晴初。忽幾芽河凍落痕餘一寸。  
殘冰閣在柳根沙。

正月十九日五更詣天慶觀謝雪聞都下尺



雪旬日而毘陵三四微雪而已

元宵風物又闌殘  
閉閣何曾出一看  
尚覺燭光欺病眼  
旋添衣著試春寒  
中都尺雪逾旬許  
此地飛花逐片乾  
不待珠宮香火了  
海風吹上紫金盤

雪中看梅

犯雪尋梅雪滿衣  
池邊梅映竹邊池  
要尋踈影橫斜底  
揀盡南枝與北枝

梅花

花早春何力香寒曉儘吹月搖橫水影雪帶入瓶枝

春夢紛紜

燭花半作紫芝開詩興頻遭白雨催只有睡時愁可遣  
春愁又向夢中來

二月一日郡圃尋春

中和節裏半春天一拂清寒半點暄憔悴不勝梅欲落  
嬌嬈無對杏初繁

花遶朱簷柳遶欄小亭面面錦團圓春風橫欲欺詩瘦

且下東窓護嫩寒

梅殘

雪已都消去梅能小住無雀爭飛落片蜂獵未薦鬚  
寒夜不寐

雪入迎春鬢茶醒學古胸夢回霜滿屋吟到月斜鐘

新柳

壽仁子與羅永年同試南宮還郡因談西湖柳  
色已佳而郡圃方芽

輦路金絲半欲垂  
外間玉爪未渠開  
一林柳色休多憶  
更趁春風看一回

小飲俎豆頗備  
江西淮浙之品戲題

滿盤山海眩芳珍  
未借前籌已曠津  
鱉醬子魚總佳客  
玉狸黃雀是鄉人

味含霜氣洞庭柑  
鮓帶桃花楚水蟻  
春暖着人君會否  
不教淮白過江南

雨霽

雨為梅花遣盡塵柳勾日影自傳神不須苦問春多少  
暖幕晴簾總是春

蜜漬梅花

甕澄雪水釀春寒蜜點梅花帶露餐句裏畧無煙火氣  
更教誰上少陵壇

感興

看書已怯短檠燈覓句猶鏘澗水聲詩瘦近來惟有骨  
可憐辛苦為虛名

春暖郡圃散策

已覺朝來退袂衣日光風力軟如癡倩誰留許春寒着  
更放梅花住少時

萱草行間過履絢杏花影裏散文書秋風遣我踈團扇  
又被春風遣喚渠

春禽處處講新聲細草欣欣賀嫩晴曲折遍穿花底路  
莫令一步作虛行

休日登城

愛他休日更新晴  
忍却春寒上古城  
廢壘荒廬無一好  
春來微徑總堪行

淨遠亭午望

城外春光染遠山  
池中嫩水漲微瀾  
回身小築深簷裏  
野鴨雙浮欲近欄

竹迳殊踈欠補栽  
蘭芽欲吐未全開  
初暄乍冷飛猶倦  
一蝶新從底處來

池亭雙樹梅花

開盡梅花半欲殘  
兩株暗雪作雙寒  
團欒遶樹元無見  
只合池亭隔水看

多稼亭前小步

櫻桃拋過隔牆蒼  
芍藥叢抽刺土芽  
最是蜜蜂無意思  
忍將塵脚浣梅花

多稼亭宴客

歸來不省醉還醒  
只怪譙門打一更  
秉燭徑穿梅下過  
此身真在雪中行



燒香七言

琢瓷作鼎碧於水削銀為葉輕如紙不文不武火力勻  
閉閣下簾風不起詩人自炷古龍涎但今有香不見煙  
素馨忽開抹利折低處龍麝和沉檀平生飽識山林味  
不奈此香殊媚媚呼兒急取烹木犀却作書生真富貴

讀嚴子陵傳

客星何補漢中興空有清風冷似冰早遣阿瞞移九鼎  
人間何處有嚴陵

題山莊小集

子仁姪初學作詩便有可人語數日得五詩予  
題之以山莊小集云

莫笑山林小集休篇篇字字爽於秋  
向來楓落吳江冷  
一句能銷萬古愁

春寒

春寒儘解粟人膚  
敢傍吾儕酒  
殘無雨裏杏花如半醉  
擡頭不起索人扶

瓶中梅杏二花

梅花耿耿冰玉姿杏花淡淡注臘脂  
兩花相嬌不相下  
各向春風同索價折來雙插一銅瓶  
旋汲井花澆使醒  
紅紅白白看不足更遣山童燒蠟燭

書齋夜坐

棊几吹燈丈室虛  
隔窓雨點響堦除  
胡床枕手昏昏著  
卧聽兒童讀漢書

酒力欺人正作眠  
夢中得句忽醒然  
寒生更點當當裏

雨在梅花簌簌邊

瑞香花

織錦天孫矮作機  
紫茸翻出白花枝  
更將沉水濃薰却  
日淡風微欲午時

樹如巖桂不勝低  
花比素馨幽更奇  
要作團欒小窠錦  
春風不長出叢枝

二月十四日梅花

雨打知無奈  
春暄絕不禁  
小風千點雪  
落日一鬚金

樹勁春猶瘦花寒暮更明平生豈無句此外不須清

晚飲

旋旋哦詩旋旋抄一尊野菽更山肴春風畧不扶人醉  
月到梅花最末梢

二月望日勸農既歸散策郡圃

荆溪老守勸農歸吏散還從郡圃嬉拾得落英纔一掬  
春風苦向掌中吹

今年花事許遲遲九十春光已半歸風急杏花吹不脫

落梅無數掠人飛

水仙花

江妃虛却築珠宮  
銀漢仙人謫此中  
偶趁月明波上戲  
一身春雪舞春風

額間拂殺御袍黃  
衣上偷將月姊香  
待倩春風作媒却  
西湖嫁與水仙王

韻絕香仍絕  
花清月未清  
天仙不行地  
且借水為名  
開處誰為伴  
蕭然不可親  
雪宮孤弄影  
水殿四無人

夜坐

背壁青燈觀讀書  
窺窓素月喚看渠  
向來諸老端何似  
未必千年便不如  
春後春前雙雪鬢  
江南江北一茅廬  
只愁夜飲無供給  
小雨新肥半圃蔬

新柳

柳條百尺拂銀塘  
且莫深青只淺黃  
未必柳條能蘸水  
水中柳影引他長

禱雨報恩因到翟園

霧氣初迎日脚開  
春光偏傍柳邊回  
寒暄消息何人會  
十指今朝出袖來

草路無泥未有塵  
城南城北總由人  
不緣香火來山墅  
孤負今年半段春

遶亭怪石小山幽  
夾徑低枝壓客頭  
幸自一來惟不早  
梅花滿地訴春愁

未必錢園似翟園  
翟園窠木最宜看  
茂松亭下偏明眼  
矮檜平鋪翡翠盤



垂絲海棠

無波可照底須窺與柳爭嬌也學垂破曉驟晴天有意  
生紅新曬一絢絲

不關殘醉未醒鬆不為春愁懶散中自是新晴生睡思  
起來無力對東風

送羅永年西歸

梅苔香邊踏雪來杏花雨裏帶春回明朝解纜還千里  
今日看花更一杯誰遣文章太驚俗何緣場屋不遺才

南溪鷗鷺如相問為報春吟費麝煤

社雨

時節從來好雨知今朝社日頓霏微  
落花只得春風舞濕却殘香不得飛

讀唐人及半山詩

不分唐人與半山無端橫欲割詩壇  
半山便遣能參透猶有唐人是一關

落梅再看晚花

數日春風不奈暄  
梅花落盡淨無痕  
却將晚蒼重收拾  
更放南枝第二番

鑷白

五十如何是後生  
呼兒拔白未忘情  
新年只道無功業  
也有霜髭六十莖

春興

着盡工夫是化工  
不關春雨更春風  
已拚膩粉塗雙蝶  
更費雌黃滴一蜂

夜窓

口角哦詩細有聲不妨半醉不妨行  
青燈一點纔如黍  
解作書窓徹夜明

詩人心緒幾時休  
逢着三春似九秋  
數到五更仍五點  
明朝還更有新愁

春曉

拂花紅露濺春衣  
柳外春禽睡未知  
天借晴光與桃李  
更將剩彩弄游絲

風光明淑奈渠何非暖非寒真是和春到千花俱有分  
海棠獨自得春多

一年生活是三春二月春光儘十分不必開窓索花笑  
隔窓花影也欣欣

米囊花

鉛膏細細點花梢道是春深雪未消一斛千囊蒼玉粟  
東風吹作米長腰

鳥語蜂喧蝶亦忙爭傳天詔詔花王東皇羽衛無供給

探借春風十日糧

曉寒

黯黯輕寒淡淡陰遊人便覺減行春春風也解嫌蕭索  
自送鞦韆不要人

春光喚入百花叢寒力平欺兩鬢蓬吹亂衆紅還復整  
海棠却不怕東風

誠齋集卷八


謹案卷七第五頁前六行往從鼻孔上灌頂按宋  
詩鈔往作徑

第十五頁後七行為復樓隨山却移按宋詩鈔却  
作脚



欽定四庫全書





總校官庶吉士臣張能照

校對官庶吉士臣陳文樞

謄錄監生臣沈元錡